

Als Rübenkraut eine grosse handvoll/ Sanickel eine halbe handt-
voll/ Erdbeerkraut vnd Wolgemut/ solchs in einem Kessel gesotten/ vnd
das Kindt darinnen gebadet / in gleichem magsts ihm auch auff die weich
binden/ so wird es ihm sehr wol bekommen.

Für Griesz den Kindern.

Nimbt man Krebsstein/ Sonnenhirsch/ Judenstein/ vnd Petersia-
liensaamen/ jedes gleich viel/ pulverisierts / vnd gibt dem Kinde/ wann es
im bade sizet/ ein quentlein davon zu trincken/ davon leget sich der Griesz
baldt/ nachdem bade aber/ legt man das Kindt in ein Bett/ vnd gibt ihm
des Pulvers halb so viel eynt.



T R A C T A T V S

V I G E S I M V S :

D E T E R R A S I G I L - L A T A .

Oder :

Von dem gesiegelten Erdreich so in der
Arznei gebraucht wirdt.

Sündtbar ist/ daß bey den alten wie auch vn-
ser zeit/ die Terra Lemnia Sigillata insonderheit bey den
hohen Potentaten in grosser existimation, ehren vnd
werth gehalten / sintemahl (wan sie gerecht vnd auff-
richtig gewesen) in vielen Kranckheiten vnd Leibes gebres-
che/ sonderlich aber wieder gifft sie mit höchsten nutz vn-
erspriesslichheit ge-
braucher

§ff

braucher